

Na osnovu odredbi člana 13. Zakona o principima lokalne samouprave u Federaciji BiH ("Službene novine Federacije BiH", br. 49/06 i 51/09), odredbi člana 104. Statuta Općine Ilijaš ("Službene novine Kantona Sarajevo", br. 20/09 i 46/18), te odredaba člana 90. Poslovnika o radu Općinskog vijeća Ilijaš ("Službene novine Kantona Sarajevo", br. 19/22 i 16/23), Općinsko vijeće Ilijaš na svojoj 7. sjednici održanoj dana 28.04.2025. godine, donijelo je

ZAKLJUČAK

Član. 1

Prihvata se Nacrt Odluke o izmjeni i dopuni Poslovnika Općinskog vijeća Ilijaš i stavlja na javnu raspravu.

Član 2.

Nacrt Odluke o izmjeni i dopuni Poslovnika Općinskog vijeća Ilijaš stavlja se na javnu raspravu, kako slijedi:

- objavom putem web stranice Općine Ilijaš i
- objavom na oglasnoj ploči Općine Ilijaš.

U javnoj raspravi mogu učestvovati građani, javna preduzeća, javne ustanove, mjesne zajednice, političke stranke, udruženja građana i druga zainteresovana lica.

Član 3.

Javna rasprava o Nacrtu Odluke o izmjeni i dopuni Poslovnika Općinskog vijeća Ilijaš određuje se u trajanju od 15 dana, počev od 29.04.2025. godine do 14.05.2025. godine.

Član 4.

Zainteresirani subjekti mogu dostavljati primjedbe, prijedloge i sugestije na Nacrt Odluke o izmjeni i dopuni Poslovnika Općinskog vijeća Ilijaš Komisiji za statut i propise Općinskog vijeća Ilijaš u pisanoj formi ili putem e-mail ov@ilijas.ba, najkasnije do 14.05.2025. godine do 16 sati.

Primjedbe i prijedlozi dostavljeni poslije navedenog roka neće biti uzeti u razmatranje.

Član 5.

Komisija za statut i propise Općinskog vijeća Ilijaš će nakon provedene javne rasprave pripremiti i dostaviti Općinskom vijeću Ilijaš na razmatranje prijedlog Odluke o izmjeni i dopuni Poslovnika Općinskog vijeća Ilijaš, vodeći računa o prijedlozima, mišljenjima i sugestijama iznesenim u toku javne rasprave.

Član 6.

Ovaj Zaključak stupa na snagu danom donošenja.

Broj: 01/1-02-930-9/25
Ilijaš, 28.04.2025. godine



Predsjedavajući
Općinskog vijeća Ilijaš

Anel Bumbulović

NACRT

Na osnovu odredbi člana 13. Zakona o principima lokalne samouprave u Federaciji BiH ("Službene novine Federacije BiH", br. 49/06 i 51/09), člana 55. stav 1. tačka 3. Statuta Općine Ilijaš ("Službene novine Kantona Sarajevo", br. 20/09 - Prečišćeni tekst i 46/18) i čl. 177. i 178. stav 2. Poslovnika Općinskog vijeća Ilijaš ("Službene novine Kantona Sarajevo", br. 19/22 i 16/23), Općinsko vijeće Ilijaš na 7. sjednici, održanoj dana 28.04.2025. godine, donijelo je

ODLUKU O IZMJENI I DOPUNI POSLOVNIKA OPĆINSKOG VIJEĆA ILIJAŠ

Član 1.

U Poslovniku Općinskog vijeća Ilijaš ("Službene novine Kantona Sarajevo", br. 19/22 i 16/23) u članu 34. dodaje se novi stav koji glasi:

"Utvrđivanje prijedloga za izbor, imenovanje i razrješenje Komisije za izbor članova Skupštine javnih preduzeća čiji je osnivač Općina Ilijaš."

Član 2.

Član 117. se mijenja i glasi:

"Općinski načelnik i 1/3 od ukupno izabranih vijećnika ovlašteni su predlagati odluku i drugih akata koji se odnose na rad javnih ustanova i javnih preduzeća čiji je osnivač Općina, osim izvještaja koji ustanove i preduzeća direktno dostavljaju vijeću."

Član 3.

Odluka stupa na snagu danom objave u "Službenim novinama Kantona Sarajevo".

Broj: 01/1-02- /25
Datum: 28. 04. 2025. godine

Predsjedavajući
Općinskog vijeća Ilijaš
Anel Bumbulović

Obrazloženje

Pravni osnov za donošenje Odluke o izmjeni i dopuni Poslovnika Općinskog vijeća Ilijaš sadržan je u članu 13. Zakona o principima lokalne samouprave u Federaciji BiH ("Službene novine Federacije BiH", br. 49/06 i 51/09), članu 55. stav 1. tačka 3. Statuta Općine Ilijaš ("Službene novine Kantona Sarajevo", br. 20/09 - Prečišćeni tekst i 46/18) i čl. 177. 178. stav 2. Poslovnika Općinskog vijeća Ilijaš ("Službene novine Kantona Sarajevo", broj 19/22 i 16/23).

Razlozi donošenje predmetne odluke su sljedeći:

Član 1.

Predloženim dopunama Poslovnika Općinskog vijeća Ilijaš vrši se proširenje nadležnosti Komisije za izbor i imenovanja koja bi predlagala članove Komisije za izbor članova Skupština javnih preduzeća čiji je osnivač Općina Ilijaš, a čije konačno imenovanje i razrješenje vrši Općinsko vijeće u skladu sa Zakonom o ministarskim, vladinim i drugim imenovanjima FBiH ("Službene novine FBiH", broj 34/03).

Predložena dopuna ima za cilj da se unaprijedi sistem zaštite interesa osnivača u javnim preduzećima kroz postupak imenovanja i razrješenja Skupština preduzeća.

Član 2.

Ovim članom predlaže se da osim Općinskog načelnika može i 1/3 od ukupno izabranih vijećnika predlagati odluke i druge akte koji se odnose na rad javnih ustanova i javnih preduzeća čiji je osnivač Općina.

Član 3.

Propisuje stupanje na snagu Odluke o izmjeni i dopuni Poslovnika.